

**Uunga siunnersuut: Tuniniaanissamik nittarsaassisarneq aamma
nalunaaqutsersuisarneq pillugu Inatsisartut Inatsisaata allanngortinnissaa pillugu
Inatsisartut inatsisaat nr. xx, xx. xxx 2020-meersoq.**

Inuussutissarsiornermut Aatsitassanullu Naalakkersuisumit saqqummiunneqartoq

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Ataatsimiititaliap suliarinninnermini inuttarai:

Inatsisartunut ilaasortaq Henrik Fleischer, Siumut, Siulittaasoq
Inatsisartunut ilaasortaq Sofia Geisler, Inuit Ataqatigiit, Siulittaasup tullia
Inatsisartunut ilaasortaq Hermann Berthelsen, Siumut
Inatsisartunut ilaasortaq Rachel H. Ingemann, Demokraatit
Inatsisartunut ilaasortaq Bo Martinsen, Demokraatit
Inatsisartunut ilaasortaq Aqqalu Jerimiassen, Atassut
Inatsisartunut ilaasortaq Tillie Martinussen, Suleqatigiisitsisut

UKA20-mi ulloq 1. oktober 2020-mi siullermeerinninnerup kingorna siunnersuut
ataatsimiititaliamit misissorneqarpoq.

Siunnersuutip imarisai siunertaalu

Tuniniaanermut aamma assigiinnik nioqqutissanik akeqartitsinernut paasissutissat –
elektroniskiusumik nioqqutissanik neqeroortarnermut tunngatillugu aamma akinut tunngasunik
paasissutissiisussaataitanerup atuunna siunnersuutikkut erseqqissaatigineqarpoq.

Kiffartuussinernik suliani akiusut aamma kiffartuussinerni paasissutissat fakturami
nalunaarneqartussat – Naalakkersuisut maannamut akinut tunngasunik paasissutissiisarnermut
malittarisassanik nalunaarutikkoorlugu aalajangersaasinnaatitaasimapput. Piginnaatitaaffik
taanna atorneqarsimanngilaq. Kiffartuussinernut akit pillugit paasissutissiisarnermut
malittarisassanik taamaattunik siunnersuutikkut aalajangersaasoqarpoq. Taamatuttaaq

akiligassiissuteqarfiussatut sulianut fakturaliornissamut pisussaaffik siunnersuutikkut eqqunneqarpoq.

Naalackersuisut malittarisassanik immikkut ittunik aalajangersaasinnaanermut siunnersuutikkut piginnaatinneqarput, tassani aamma atuisartunut inuussutissarsiortunullu tunngatillugu pingaarutilinnik isiginiagassaqaqartillugu piumasaqaatinik aalajangersarneqarsimasunik atuutsitsinnginnissamut.

Akitsuutininik allanngineq kiisalu akitsuutininik siumoortumik ilisimatitsisarneq – Siunnersuutikkut akitsuutininik pioreersunik allannguisarnermut imaluunniit isumaqatigiissutaasunik atsiukkani ingerlaavartuni akitsuutininik nutaanik eqqussisinnanermut erseqqinnerusunik malittarisassiuussisoqarpoq.

Atuisartoqarnermut Unammilleqatigiinnermullu Aqutsisoqarfiup nakkutilliinikkut pisussaaffii – Atuisartoqarnermut Unammilleqatigiinnermullu Aqutsisoqarfiup nakkutilliinera siunnersuutikkut Naalackersuisunut pituttorsimajunnaartinneqarpoq. Pituttorsimasuunnginneq taanna siusinnerusukkat Atuisartoqarnermut Siunnersuisoqatigiit, tuniniaanissamik nittarsaassisarneq pillugu inatsisip maanna atuuttup 2015-imi eqqunneqarneratigut atorunnaarsinneqartut aqutgalugit qulakkeerneqarsimagaluarpoq.

Inuussutissarsiortut niuerfiup ammanerani Atuisartoqarnermut Unammilleqatigiinnermullu Aqutsisoqarfimmik isitsaaliuillutik nittarsaassisarnermut inatsisip naapertorlugit nakkutilliinermik atuutsitsinaveersaarsinnaanngitsut siunnersuutikkut aalajangersarneqarpoq.

Siunnersuutip Inatsisartuni siullermeerneqarnera

Siullermeerinninnermi siunnersuut taperserneqarluarpoq. Inuussutissarsiutini assigiinngitsuni tuniniaanermut atatillugu paasissutissat saqqummiunneqartussat imarisaannut tunngatillugu piumasaqaatit assigiinngitsuusunnaanerat eqqarsaatigalugu malittarisassat naammattumik eqaassuseqartariaqartut oqaatigineqarpoq.

Tusarniaaneq

Siunnersuut piffissami 26. november 2019-imit 27. december 2019-imut tusarniaassutigineqarsimavoq. Peqatigitillugu siunnersuut piffissami tassani Namminersorlutik Oqartussat tusarniaanermut nittartagaanni saqqumitinneqarsimavoq. Tusarniaaneq pillugu ataatsimiititaliaq allanik oqaaseqaatissaqanngilaq.

Ataatsimiititaliap inatsisissatut siunnersuummik suliarinninnera

Siunnersuutip siullermeerinninnermi taperserluarneqarnera ataatsimiititaliamit maluginiarneqarpoq. Naalackersuisut nalunaarutininik suliaqarnermikkut inuussutissarsiutinut

immikkuullarissunik sammivilinnut naleqqussaasinnaaneranik siunnersuummi §17, imm. 9 qulakkeerinnittoq ataatsimiititaliamit maluginiarneqarpoq. Taamaalilluni – atuisunut inuussutissarsiortunullu – sinaakkutissanik pitsaasunik pilersitsinissamik inatsisikkut siunertaq anguneqarsinnaassaaq.

Inuussutissarsiutini immikkuullarissuni aalajangersimasuni paasissutissiisarnermut nalunaaqutsersuisarnermullu immikkut pisariaqartinneqarsinnaasunut malittarisassat sapinngisamik naleqqussarneqarnissaat qulakkeerniarlugu Naalackersuisut nalunaarutininik ilusilersuinerminni atuisunik inuussutissarsiortunullu attuumassutilinnik tusarniaasarnermikkut akuutitsisarnissaat ataatsimiititaliamit naatsorsuutigineqarluinnarpoq.

Siunnersuutip aningaasaqarnikkut kingunissai

Siunnersuut pisortanut malunnaatilimmik kinguneqarnaviannngitsutut naatsorsuutigineqartoq siunnersuummut nassuiaatini paasissutissiissutigineqarpoq.

Inuussutissiortunut akinut tunngassutillit pillugit paasissutissiissutitut atortussanik ilusilersuinermut nutarterinernullu kiisalu pinngitsoorani fakturamik suliaqartarnermut aningaasartuuteqartoqassaaq. Periaaseq ullumikkut ilisimaneqarluareersoq annertuumillu atorneqareersoq pineqarmat aningaasartuutit taakku killeqartussat Naalackersuisunit nalilerneqarput.

Aammattaaq akitsuutininut tunngatillugu atugassiissutinik allannguinermut annikitsunik aningaasartuuteqartoqassaaq. Tamatumani aningaasaqarnikkut allaffissornikkullu nammackersuutit annikitsuararsuusussat Naalackersuisunit nalilerneqarput, tassami isumaqatigiissutinut ingerlareersunut akitsuutinik allannguinermut ersarissumik isumaqatigiissuteqarnissamat inatsisitigut tunngavissaqartussaatisoqareermat.

Ataatsimiititaliap inassuteqaatai

Siunnersuut **akuersissutigineqassasoq** **ataatsimiititaliamit** **isumaqatigiittumit**
inassutigineqarpoq

Ataatsimiititaliap taamatut oqaaseqaateqarluni isumaliutissiisummilu allassimaneratut paasinnilluni siunnersuut aappassaaniigassanngortippaa.



Sofia Geisler
Siulittaasup tullia



Henrik Fleischer
Siulittaasoq



Hermann Berthelsen



Rachel H. Ingemann



Bo Martinsen



Aqqalu Jerimiassen



Tillie Martinussen